

皇明通紀法傳全錄

皇明通紀法傳全錄十六卷

東莞 陳建 著輯 西湖 高汝栻 叅訂

雲間 吳棫 增刪 高 子岱 校

洪武中錢塘鄭沂以布衣授尚書今馬駘亦以布衣躋方面

顧嗣家供

唐賽兒叛

庚子永樂十八年正月以楊榮金幼孜並為文淵閣大學士仍兼翰林院學士○擢用人材十三人為各布政司官擢左布政使四人馬麟湖廣盛願江西俞景周山東周克毅廣西右布政三人孫豫山西江潤河南艾英浙江左叅政二人楊敬福建季泰廣東右叅議二人趙瑛江西金恕山西

二月山東蒲臺縣妖婦唐賽兒聚眾作亂賽兒縣民林

佛之一字
哄動多少
愚民後能
知前後事
唯唯者安
得不從之

柳升破賊
汲道爲賊
所愚耳夫
將不設備

三妻夫死賽兒祭墓回徑由山麓見石罅露出石匣角
發視之中藏寶劍妖書賽兒取書究習遂通曉諸術因
誦佛經自稱佛母以其施教于村里頗能知前後成敗
事青州細民翕然從之云能剪紙爲人馬相戰關欲衣
食財貨百物隨以術運久之妖徒轉盛遂擁衆據益都
石棚寨爲亂青州衛指揮高鳳領兵捕之爲所敗鳳等
皆死賊遂犯莒州山東大震命安遠侯柳升總兵勦之
三月柳升兵至益都圍賊于石棚寨賊遣人乞降云寨
中食盡且無水東門舊有汲道升卽往據之夜二鼓賊
襲官軍營與戰多被殺傷都指揮劉忠戰死賽兒與其

不覺救師
暑安在柳
升既起兵
推疎虞若
此

國家大事
豈非一人
之喜怒耶

而更財平

黨劉信等潛遁黎明升等始覺分兵追捕獲賊黨劉俊
等百餘人而賽兒竟不獲○時賊黨賓鴻等攻安丘知
縣張旗縣丞馬橋集民夫八百餘人以死拒守賊不能
攻復率莒州卽墨之衆合萬餘人併力攻之聲言屠城
時指揮衛青備倭海上聞安丘圍急率千騎晝夜兼行
猝至城下奮擊敗之賊收餘衆再戰城中人亦鼓譟出
擊賊大敗賓鴻遁去殺賊二千餘人生擒二千餘人皆
斬之時城中已不支使青至稍進必陷于賊旣而柳升
至青迎謁升怒其不待已猝出之青不爲屈是日鰲山
衛指揮王真亦以兵敗賊于諸城盡殺之山東賊平論

澶管不設

功陞張旗山東左叅政馬橋左叅議衛青陞都指揮使
王眞陞都指揮僉事○刑部尚書吳中等劾奏柳升征
勦妖賊方命失機冒功忌能遂下升吏尋赦出之

四月廣寧伯劉江卒謚武忠

江驍果善戰所向無敵馭士卒明紀律有恩
信於諸夷款塞者綏輯備至旣卒人咸思之

五月交趾右叅政侯保與賊黎利戰死之左叅政馮貴
亦以討賊戰死

保眞定贊皇人黎利剽掠郡縣保率民兵築堡于要
害禦之賊來攻戰死○貴湖廣武陵人撫輯流民歸
附者衆有土兵二萬餘人皆勁勇習戰每出擊賊輒
有功從中官馬騏等疾之盡奪其土兵及黎利反衆
強資勦捕獨以應
卒數百遇賊戰死

國初東宮
官必選學
官故常時
學官自重
自修出為
世用

九月擢教授蘭從善林長茂教諭徐永達並為翰林院
編修侍從皇太孫講讀○立東殿○山東青州府諸
城縣進龍馬附具龍文
共色青蒼

十月遣戶部尚書夏原吉召皇太子及皇太孫于
南京以北京宮殿成將御新殿受朝故也○皇太子赴
北京過滁州登瑯琊山指示楊士奇曰此醉翁亭故址
也因嘆歐陽修立朝正言不易得今人知愛其文而知
其忠者鮮矣蓋皇太子為文章尤善修每日三代以
下文人獨修有雍容和平氣象尤愛其奏議切直嘗命
刊修文以賜羣臣且諭之曰修之賢非止于文卿等當

考其所以事君者而勉之

十一月皇太子過鳳陽謁祭皇陵畢周步陵旁顧張本
楊士奇曰國家帝業所自也徘徊久而後退耆老進謁
有知 太祖隆興時事者畱從容與語賜勞優厚

高汝杖曰我 朝初陵在泗州城北稍東十五里而
盱眙山淮水自西環繞山下東北入海夏秋間水漲
山州城西北二十里龍窩驛東入瀟湘城北陵南宛
然一湖陵也青島書稱明堂容萬馬水口不通舟殆
台天造淮水循山東下又二十里經龜山東北入海
山即大禹鎮支祈神處石井尚在陵後自徐州南岡
阜遠還豈生教十百壘 仁祖陵在鳳陽府西偏十
里昔八公山而淮水陵上草木蔚鬱陵下近百步闊
周環無榮葦穢翳雖不善堪輿者亦
知爲陰區輻地也豈人力所能致哉

八月立東廠命內宦二人主之刺大小事情以聞

古者天子
 貴耕省歛
 政教財視
 民艱使司
 牧無所隱
 其情實近
 代此典不
 復天災流
 行貨賤經
 實此一方
 民幸遇仁
 宗既釋故
 得免其刑
 不然其與
 他處之然
 勝死于溝

過鄒縣歲荒民饑競拾草實爲食。皇太子見之惻然。乃下馬入民舍視男女皆衣百結不掩體。竈釜傾仆不治。歎曰：民隱不上聞，若此乎？顧中官賜之鈔，而召鄉之耆老問所苦。且以實對，輟所食賜之。時山東布政使石執中來迎責之曰：爲民牧而視民窮如此，亦動念否乎？執中言：凡被災之處，皆以奏乞優今年秋糧。皇太子曰：民饑且死，尚及徵稅邪？汝往督郡縣，速取勘饑民口數，近地約三日，遠地約五日，悉發官粟賑之，事不可緩。執中請人給三斗，曰：且與六斗，汝毋懼。擅發予見。上當自奏也。皇太子至京，卽奏之。上曰：昔范仲淹之

聖者望界
後仁心仁
政躬躬千
步

子猶能舉麥舟濟其父之故舊。況百姓吾赤子乎。○以
明年御新殿受朝詔天下

高汝材曰自五代以來北虜侵我混土索我金帛以
宋太祖太宗之程典終不能制下至靖康之變尤不
忍言。蓋由都非形勢之地。胡元據有中。華垂九十年
無復天理之可言。天生我太祖掃除之。惟毅之初
卽欲宅形勢以臨中夏。禦夷狄。故嘗幸關陝而還。斯
時中原之地久爲胡馬所踐。繼以寇盜。民不聊生。六
騶所過。半皆空城。於是定鼎江南。以資兵食。而都北
之計。未嘗一日忘也。且以燕城爲元舊都。形勢可以
制虜。因以封我成祖焉。及上登極。卽廣舊邸爲皇
城。棟宇軒闥。當時羣臣不知。嘗意所向。屢請南遷。因
出令曰。敢有復言者。論以妖言。於是河南布政司文
襄等皆遭重罰。付此基命。始定。遂成萬世之業。雖殷
函之固。莫及也。永樂壬辰以後。頻征沙漠。搜勦遺孽。
要孤巢穴。而歸是則都燕之志。太祖寔收之。成
祖克成之。祖
宗功德盛矣。

河南中護衛軍丁俺三等上周王謀反狀

俺三等上變告周王謀反，上使親信大臣覈其實，乃用金符召王，俾以明年二月至京師。明年正月，王先期入丙午陛見，上出俺三等告詞示之。王辭窮，頓首言死罪。死罪。上以王親叔，不問置之。王耶四月丙申，命還國。癸丑，命尚書賽義等二十六人巡行天下，撫安軍民。而王彰得河南王申周王還國奏，納三護衛官軍，濟之。命驛馬都尉廣平侯袁容往河南，量留儀仗親隨外餘悉赴京。

封董建大工官，右都督薛祿爲陽武侯，擢工部營繕司郎中，蔡信爲工部右侍郎。

辛丑永樂十九年正月甲子朔，上御北京奉天殿，受朝賀。是日早，躬詣太廟奉安五廟，太皇太后神主，命皇太子詣天地壇奉安昊天上帝，后土皇地祇神主。皇太

孫請社稷壇奉安太社太稷神主黔國公沐晟詣山川壇奉安山川諸神主○戊辰詔曰朕荷天地祖宗之祐繼承大寶統馭萬民祗勤撫綏夙夜無間乃者效成周河洛之規建立兩京爲子孫帝王永遠之業爰自經營以來賴天下臣民殫心竭力趨事赴工今宮殿告成朕御正朝祇祀天地宗社眷懷黎庶嘉與維新弘敷寬恤之仁用洽好生之德大赦天下

于文定公曰唐都長安每有寇盜輒爲出奔之事恃有蜀也所以再奔再北而未下國亦幸有蜀也長安之地天府四塞辟如堂之有室蜀以膏遷之士處其間閭閻皆如室之有奧風雨晦明有所依而蔽焉蓋自秦漢以來倚蜀爲外府而唐卒賴以不亡斯其效矣即如今日燕京之形譬如負吳端拱坐於堂屋之上

度寬而制
正

南面而臨天下形勝則其偉矣然而勢有所不足者有室無室況與交之間邪

交趾總兵請屯田供餉從之○禮部尚書呂震言于皇太子曰殿下前在南京數遣中使進案牘每以殿下過失上聞上指其妄言今竄此人皇太子曰過失吾豈能無今至尊既不信之我又與人計較耶卒置之

二月虜酋阿魯台寇寧夏○會試天下舉人以左春坊大學士楊士奇翰林侍讀周述爲考試官取陳中等二百人

三月廷試賜曾鶴齡劉矩裴綸等進士及第出身有差

詔求直言

四月初八日庚子夜奉天謹身華蓋三殿災詔告天下求直言勅尚書蹇義等十三人偕給事中十三人巡行天下撫安軍民

是月十四日萬壽聖節以災異詔免慶賀○侍皇大

孫講讀禮部左侍郎儀智以年八十乞致仕歸未幾卒

○翰林侍讀李時勉陳言十五事曰停止功作罷四夷

朝貢沙汰冗官賑濟饑荒清理刑獄罪黜賊官罷遣僧

道優恤軍士及慎選舉嚴考覈等事皆切時病上允

其十四事而行之○以給事中柯暹御史何忠鄭惟烜

羅通俱爲交趾知州時暹等言事訐直歷詆大臣之任

若庸至必加罪戮矣
直道之不
容于時也

自古已然
可嘆

請罪不行
飯口干排
才巧干排
陷如此

午門對辨

天威嚴重
非原吉一

事者無憂國恤民之心。清斥工部尚書李廣、李慶等，不能平言于上，請罪之。上不許。既而慶等乃薦還等，才堪牧民，于是皆陞知州，而處之遠方。○殺主事蕭儀時言者，多云建都北京非便，而蕭儀言猶峻。上怒殺之。時六科十三道，上言亦云朝廷不當輕去金陵，建都于燕，故有此變。上曰：方遷都時，朕與大臣密議數月而後行，非輕舉也。言者因劾部院大臣。上命言官與大臣俱跪在午門對辨。時都御史王彰等抗罵言官曰：白面書生，不知大計，宜加重罪。日將午，上命中使出問衆議何如。衆皆紛然，啐詬言官妄言。尚書夏元吉獨

言將有清
儀之誅矣

上全君德
下養士氣
真大臣以
道事君之
體

有量有品

從容奏曰、御史職當言路、給事中朝廷耳目、況應詔陳
言、所言皆當、臣等備員大臣、不能協贊大議、臣等合當
有罪、中使人復命、上仍命出再問之、原吉對如初、
上悅、遂兩宥之、○西僧大寶法王來朝、或請駕親勞
之、夏原吉曰、夷人慕義遠來、宜示以義、設若萬乘一屈、
下必有走死而不顧者矣、上曰、爾欲效韓愈耶、乃不
出勞、他日法王入見、上命元吉拜之、原吉曰、王人雖
微、序干諸侯之上、况夷狄耶、長揖而已、○山東妖賊唐
賽兒遁、朝廷大索甚急、盡追山東、北京、尼姑既、又盡追
天下出家婦女、先後幾萬、人人情洶洶、上以戢民爲

山東叅政撫定綏輯人情始安

八月辛巳朔日有食之阿魯台寇興和殺守將都指揮王煥時魯台擾邊兇暴鴛鴦每朝使至輒侮慢或拘留苦之時出郊落山沒塞下爲寇上嘗諭其使還語阿魯台竟不悛至是大舉圍興和邊將檄聞上遂議親征

十一月下戶部尚書夏原吉刑部尚書吳甲獄兵部尚書方賓自殺時上以北虜携貳命大臣議將親征原吉等共議宜且休養兵民而嚴勅邊將備禦未奏會上召賓賓言今糧儲不足未可興師遂召原吉問邊儲

多寡對曰。僅給將士備禦之用。不足以給大軍。且言頻年師出無功。戎馬資儲十喪八九。災膏間作。內外俱疲。況聖躬少安。尚須調護。勿煩六師。上不懌。卽令原吉往視開平糧儲。既而吳中入對。與方賓同。上益怒。召原吉還籍。其家與中皆繫內官監獄。于是賓懼自殺。時禮部尚書呂震數乘間言賓與中原吉皆儉邪。誣罔

呂震一言
幾成大獄

人品心術
于此自辨

上信之。命戮賓屍。將殺原吉等。召楊榮問原吉等平昔所爲。榮力言其無他二三人者。惟以數征北虜之餽運爲憂。論才力或不及。儉邪未之見也。上繇是怒稍釋。置不問。

今以北征
便運

計共用驛
三十四萬
領車十一
萬七千五
百餘人
車人丁二
十三萬
糧凡三十
七萬石
親征一

壬寅永樂二十年春二月命英國公張輔等同六郡官
議北征餽運輔等議分爲前後運前運隨大軍行後運
繼之前運總督三人隆平侯張信尚書李慶侍郎李杲
車運驢運各分官領之領車運者泰寧侯陳愉都御史
王彰及都督御史郎中等官三十六人領驢運者鎮遠
侯顧興祖尚書趙玘等三十五人後運惟車輛用總督
官二人保定侯孟英遂安伯陳瑛副者三十七人

三月 上親征戒警將士誡日啓行 駕及鷄鳴山虞
聞之夜近

四月次龍門雲川關兵顧謂侍臣曰今從征之士皆各

五月辛酉。端午節。駐蹕獨石。賜隨征文武羣臣宴。乙酉。處簡擇來者。若不閱習。何以禦敵。兵法以虞待不虞者勝。又曰。設備于已失之後者。非上策。朕所以慎重而不敢忽也。

五月辛酉。端午節。駐蹕獨石。賜隨征文武羣臣宴。乙酉。車駕渡偏頭。命將士獵于道旁山下。上顧從臣曰。朕非好獵。顧惟畋獵。可以馳馬揮戈。振揚武事。作其驍勇之氣耳。丁酉。大閱諸將曰。兵行猶水。水因地而順流。兵因敵而作勢。水無常行。兵無常勢。能因敵變化取勝者。謂之神。今先使之習熟。行陣猝遇寇至。麾之左則左。右則右。前則前。後則後。無往不中節矣。戊辰。觀士卒射。一

侍勤勳

小旗三發皆中。賜牛羊各一鈔二定銀碗二。上曰：賞重則人勸。是日，上親製平虜之曲，俾將士歌以自勵。庚午，召英國公張輔、安遠侯柳升、寧陽侯陳懋、武安侯鄭亨、陽武侯薛祿、陸平侯張信、應城伯豫亨、新寧伯潭思、興安伯徐亨，令就營中馳射。上親觀之，惟輔升懋連中餘或半中。豫亨不中，被罰。罷其領兵之任。張信托病不至，降充辦事官。上謂諸將曰：爲將之道，勇智貴兼全。弓馬便捷，所向無敵，勇也。計筭深遠，無所遺失，智也。智勇全而後可以建功業。勇而無智，一卒之能耳。汝曹勉之。辛未，車駕發隰寧，次西涼亭。西涼亭者，故元

後世聖子
神孫闢此
聖域爲暢然

往來巡遊之所。上望其顏垣遺址。樹木鬱然。謂侍臣曰。元氏創此。將遺子孫爲不朽之圖。豈計有今日。書云。常厥德。保厥位。厥德靡常。九有以亡。況一亭乎。可以爲殷鑒矣。因下令禁軍士斬伐樹木。癸酉。車駕發西涼亭。次閤安。下令軍中。牧放樵采。皆不得出長圍之外。時營陣大營居中。營外分駐五軍。建左哨。右哨。左掖。右掖。以總之。步卒居內。騎卒居外。神機營在騎卒之外。神機營外有長圍。各周一十里。上顧侍臣論用兵之法。因召諸將論曰。兵法云。多算勝。少算不勝。蓋用兵之際。智在勇先。不可忽也。馭衆之道。固須部伍整肅。進退以律。

字字精昇
玄機

然必將帥撫士卒如父兄於子弟則士卒附將帥亦如手足之捍頭目上下一心乃克有成至于同列尤須和叶一隊當敵則各隊策應左右前後莫不皆然譬如舟行遇風同舟之人齊力以奮波濤雖險靡不協濟爾等勉之

高啟試曰士卒畏將者勝畏敵者敗愛將者勝愛身者敗畏將則不畏敵畏敵則不畏將愛將則不愛身愛身則不愛將畏將在將之威愛將在將之恩有李光弼斬張用濟之威則三軍股慄矣何患其不畏將有吳起吮士疽之恩則赴死如歸矣何患其不愛將哉哉我一不用命誅一不循律則威振矣不必數數然也至若撫循之恩則終始有所不可廢東山之詩昵昵兒女語此周之所以長潼關之敗唐幾亡矣而僕射如父兄識者以是占中興焉故謀帥擇將必如文皇之議而後可

開平報虜復攻萬全。上召諸將問計，皆曰：「宜分兵還擊之。」上曰：「不然，此詐謀也。虜慮大軍徑搗其巢穴，故爲此牽制之術。然其衆不多，知大軍北行，必已喪膽，況敢攻城哉？不足慮也。」

七月己未，車駕次殺胡原。前鋒都督朱榮等獲阿魯台部屬，送御營，備言阿魯台所部聞大軍出，皆憂懼。日有背叛而遁者。繼聞車駕親征，阿魯台舉家惴慄。其母及妻聞之，罵曰：「大明皇帝何負爾，而必欲爲逆天負恩事，爾死固宜，而使吾屬駢首就縛，而俘囚將死，無葬身處，皆汝所貽禍也。」阿魯台盡棄其馬、駝、牛、羊、輜重。

討兀良哈

于濶樂海之側與其家屬直北走矣。上曰：獸窮則走，然此點虜未當遽信。或挾詭謀示弱以誤我，不可不嚴備。前哨繼獲虜部曲，亦言虜悉衆夜遁矣。驗之而信，乃召都督朱榮、吳成等還發兵，盡收虜所棄牛羊駝馬焚其輜重。召諸將諭曰：兀良哈羽翼阿魯台爲逆，殺掠我吏民。阿魯台遁，兀良哈近東塞門庭之寇，當還師剪此虜。諸將曰：然。簡部騎二萬分五道，上授方畧進擊曰：兵貴神速。又曰：虜聞我師東，必西走。吾邀其西。辛酉，諸將東行，至清水泊。庚戌，率兵騎數萬西至屈裂兒河，虜數萬驅輜重西奔，陷山澤中，遇大軍，倉卒逆戰。上麾

此戰料敵
設謀一一
巧中今古
無一可擬
直今中原
吐氣

騎兵爲左右翼齊進。虜欲突走。上率前鋒衝之。斬虜數百人。虜大潰走。其地背河前左皆山。大將軍輔依山而陣。上乘高望。虜稍復聚。急麾兵繞出虜右。十餘里。又急分兵渡河。斷虜後。虜果突而右走。盡獲。又麾兵繞出其左。十餘里。令甲士持神機弩伏深林中。戒曰。虜過此發。山下兵嚴陣以待。虜果盡棄其輜蓄。馳突而左。上麾騎士與山下兵馳追之。虜驚走至林中。神機弩競發。虜又潰。餘虜百騎。團結甚堅。走且疾。上曰。必酋也。率騎兵追三十餘里。直抵巢穴。擒其酋伯兒伯克等。盡收其人。皆焚其輜重。詢降虜言。屈裂兒河東北深谷中。

蜀王賢王
也故朝廷
特之特厚

有虜千餘人。令寧陽侯懋以騎兵五千追之。懋率精騎
伏隘中。虜襲我輜重。方接戰。懋發伏夾擊。虜大潰。斬獲
過半。凡獲虜牛羊十餘萬。盡賞諸將士。

八月戊戌。次波黎谷。諸將構兀良哈者。斬虜首千餘。俘
其人畜。道大寧入喜峰口。俟上。○車駕還京。躬告天地
宗廟。社稷。御奉天門。百官上表賀平胡。

癸卯。永樂二十一年三月。蜀王椿薨。諡曰獻。

五月。常山中護衛指揮孟賢等謀不軌。事覺。伏誅。先是
上以疾多。不視朝。中外事悉啓。皇太子處分。檢邪之
徒不便。而宦官黃儀、江保等素厚。趙王常陰爲之地。日

讓皇太子之短于上前希得進見且詐造毀譽之言傳播于外謂上注意高遂以誑誘外人由是賢等遂萌邪志而欽天監官王射成與賢善密語賢曰觀天象非久當有易主之變賢等邪謀益急與其弟孟三羽林前衛指揮陳旭通州右衛鎮撫陳凱興州後屯衛老軍高正等日夜潛謀連結貴近圖就宮中進毒藥于上候宴駕卽以兵劫內庫兵伏及符寶而分兵執脅文武大臣豫令高正僞譏遣詔付中官楊慶養子至期從禁中頒出廢皇太子而立趙王爲帝布置已定正審以告其甥復衛總旗王瑜瑜駭曰舅氏奈何爲滅族計

保全骨肉
多少

上神武天
授故爾出

奇應後
人誤用之
致有土木
之禍

親征二

泣諫不聽。瑜遂詣闕告。上大驚急捕賊。既悉得。御右

順門親鞠之。召皇太子趙王及文武大臣皆至。

覽所偽譔詔震怒立捕楊慶養子斬之。上顧高燧曰

爾爲之耶。皇太子爲之管解曰高燧必不預謀。此下

人所爲耳。遂悉伏誅籍沒其家。陞瑜遼東衛千戶尋擢

錦衣衛指揮同知。

七月車駕復北征次于宣府時虜中有來降者言阿

魯台將犯邊上召諸將諭曰朕當出兵先駐塞外以

待之虜不虞吾兵已出因而擊之可以成功遂部分諸

將寧楊侯陳懋等爲前鋒車駕遂次宣府

胡忠安贊
稱賢臣而
亦相率為
慶也
呂震不學
無術往往
以祥瑞貢
媚

八月禮部左侍郎胡濙進瑞光圖及榔梅靈芝具奏云
今歲萬壽聖節太嶽太和山頂金殿現五色圓光紫雲
周匝踰時不散又山石產靈芝榔梅結實符盛往年此
聖壽之徵也于是禮部尚書呂震率百官進賀上正
色却之

九月朔駕次沙城虜中僞知院阿失帖木兒古納台
等率其妻子來降備言阿魯台今夏為瓦剌脫歡所敗
掠其人口孳畜殆盡部落潰散無所屬今聞天兵復出
疾走遠避豈敢復萌南向之意授阿失等正千戶
十月駕次上莊堡韃靼王子也先土干率眾來歸時

前鋒寧陽侯陳懋探知虜在飲馬河北爲瓦剌所敗追至宿嵬山口遇也先土干率妻子部屬來歸引入見上喜謂羣臣曰遠人來歸必有以旌異之乃封爲忠勇王賜姓名金忠以其甥把罕台爲都督其部屬皆爲都指揮千百戶遂班師○車駕還京師○逮大學士楊士奇尚書蹇義呂震下錦衣獄尋釋之

甲辰永樂二十二年正月甲申勅緣邊諸將整兵候北征初忠勇王金忠來歸屢言阿魯台弒主虐人違天逆命數爲邊患請發兵討之願爲前鋒自效上曰卿意甚善但事須有名至是大同開平守將並奏阿魯台所

部侵掠邊境。上乃詔公侯大臣議之。且告之忠勇王之意。羣臣皆請從其言。遂勅諸邊將整兵以候。

二月會試天下舉人。以侍講學士曾康、侍講余鼎爲考試官。取葉恩等一百五十人。

三月廷試。賜邢寬、梁禔、孫曰恭等進士及第。出身有差。

續征三

四月巳酉。車駕發北京。復親征胡寇。命寧陽侯陳懋

忠、勇王金忠爲前鋒。五月過應昌。次清水源。阿魯台遠

遁。上召楊榮、金幼孜諭曰。朕夜夢神人告朕曰。上帝

好生。如是者。再是何祥也。豈天屬意茲寇乎。榮幼孜言。宜承天意。遣使諭虜。赦其不臣之罪。班師還京。上曰。

此朕意也。遂遣中官伯力哥往虜中，諭其部落來歸。
六月，駕進次答蘭納木兒河，彌望惟荒崖野草，虜隻影
不見。前鋒陳懋、金忠引兵抵白印山下，咸無所遇，以糧
餉不繼，乃命班師。

七月，駕次翠微園。上御幄殿，憑几而坐。楊榮、金幼
孜侍。上顧內侍海籌曰：「計程何日至北京？」對曰：「在八
月中。」上頷之。既而諭金楊曰：「東宮歷涉年久，政務已
熟。還京後，軍國事悉以付之。朕惟優遊暮年，以享安和
之福，不亦可乎？」榮幼孜對曰：「東宮孝友，仁厚，天下屬
心，允稱。」皇上付託。上悅。○是月十六日，己丑，次蒼

崖戌。上不豫。次日次榆木川。上大漸召英國公張輔受遺命傳位。皇太子且云衆服禮儀一遵太祖遺制。十八日辛卯。上崩。享年六十五。司禮太監馬雲孟、驥等密詔楊榮、金幼孜入御幄。議以六師在外。去京師尚遠。秘不發喪。亟命工部官括行在及軍中錫器悉收入內幄。召匠入銷錫製爲柩。柩成。權欽而綱之。載以龍輦。所至朝夕進膳如常儀。益嚴軍中號令。人皆莫測。楊榮及中官海籌奉遺命密馳計于皇太子。比龍輦入闕。寂無知者。卽遣皇太孫出居庸關。赴開平迎駕。皇太孫瀕行。啓皇太子曰。出外有封章白事。非印識無

得文皇之
神

以防僞。皇太子曰：果言良，是但行急，新製不及士奇。曰：殿下未踐祚，有事自應行常用之寶。其東宮小圖書可假之行。此出一時之權，歸卽納上。皇太子卽取付。太孫曰：有啓事，以此封識來。此亦久當歸汝。汝就留之。皇太子曰：大行臨御，儲位久未定，浮議喧騰。吾今就以付之。浮議何繇興？八月己酉，次鵬鶚。皇太孫至軍中，始發喪。六軍號痛，聲徹天地。辛亥，入居庸關。文武百官，縗服哭迎。王子及郊。皇太子親王以下，素服哭迎。至官中，奉安仁智殿，加欽納梓宮。冬，塋長陵。○上文武全材，寬嚴兼濟，規模濶大，條理精密。知人善任，讒間不行，用兵

應變機智如神。臨事閑暇。決戰先登。大將小校。盡識能
否。隨才指揮。各稱任使。拊循士卒。同其甘苦。擒王縛將。
推心不疑。郡縣災傷。蠲租賑穀。軍機奏報。中夜起覽。總
攬權綱。愛重名爵。容受直言。屏却祥瑞。責飾禮文。經畧
徼塞。訓迪子孫。一書萬言。敦睦宗庶。保全功臣。收交南
罷海運。通西域。降北胡。表章聖經。謝絕封禪。置內閣。備
臣削藩。王兵柄。海外諸國。受命爲王者。三十餘國。長
遠。慮徙都北平。實貽孫翼子。久大之基也。

成祖自起事。至下京師。凡大小百餘戰。未嘗身不冒
石矢。卽位之後。五出漠北。三犁虜庭。三下交南。舟車
之地。無間大小遠邇。悉奉琛幣。若櫛割刺。滿剌加。忽
魯謨斯等處。新受朝命。爲王者。殆三十國。東逾遼水。

鞬韞女直野人兀良哈之地。立行都司。前所設官統治。凡三百處。直西郊落數百種。皆重譯來附。其請置衛。府。縣。蓋三之二。西南羗夷連宣慰。宣撫。安撫司。及軍。憑陵者。則其餘威之震。後世所藉賴豈淺哉。

八月丁巳 皇太子卽 皇帝位。改元。明年爲洪熙元

年。大赦天下。○出前戶部尚書夏原吉。刑部尚書吳中。

于獄。原吉等繫內官監四年。至是 皇太子親臨繫所。

與共哭。令出視事。且咨以時政。原吉首陳東南民力困。

于漕運。請幸南京。以省供億。繼請撫流民。罷西洋取寶。

船。止雲南交趾採辦金銀數事。○出前右春坊大學士。

黃淮。及洗馬楊溥。正字金問等。于獄。淮等繫錦衣衛獄。

內閣中書
書始此

讀書有用

言其理

者十年。○赦解縉妻子還鄉。官其子積期爲中書舍人。
楊溥在獄中十年。家人供食。欠數絕糧。不能繼。又上命匠測日與死爲降。愈勵志讀書。不輟。同難者止之曰。事已如此。讀書何用。答曰。朝聞道夕死可也。五經諸子。讀之數回。已而得釋。晚年遭遇。爲閣老大儒。朝廷大制。作多。出其手。實有賴于獄中之功云。

八月十五日丁巳。皇太子卽位。赦天下。○復前戶部尚書夏原吉。刑部尚書吳中。官原吉言在繫時。喪母未克成服。乞賜歸塋。且終憂制。上曰。鄉老成人。今國大喪。正望相與濟艱難。如卿以親喪辭。則朕亦不當在此。遂畱贊輔。令遣家屬護母喪歸塋。命兵部給驛舟。有司治喪事。○置公孤官。太師。太傅。太保。皆正一品。少師。少

近明以九卿等官兼殿閣學士
此

傳少保皆從一品。上諭吏部尚書蹇義曰：此皇祖之制。皇考聖明天縱，可不置此官。予歷事未廣，不無望于保傅。卿等勉之。遂命義為少保，仍兼吏部尚書。○上以文淵閣大學士楊榮、金幼孜等輔導久積，有年，陞楊榮為太常寺卿，金幼孜為戶部右侍郎，仍兼陞左春坊大學士。楊士奇為禮部左侍郎，兼華蓋殿大學士。前左春坊大學士黃淮為通政使兼武英殿大學士，俱掌內制，不預所陞職務。以前洗馬楊溥為翰林院學士。○減賦北直隸山東粟四十萬斤。楊士奇入奏，事止。望見士奇來笑謂蹇義、夏原吉曰：新華蓋學士來奏。

事必有理。試共聽之。士奇奏言。恩詔甫下。而惜薪司傳旨。賦北京山東棗八十萬斤。以供香炭。其數太多。民何以堪。上喜曰。吾固知學士言有理。卽命減四十萬。復顧義等曰。汝三人。吾所倚。非輕。但有事須盡言。庶幾以輔吾不逮。○詔下西洋諸番國。取寶船悉皆停止。

九月癸酉朔上。大行皇帝謚曰體天弘道高明廣運聖武神功純仁至孝。文皇帝廟號太宗。○癸未禮部尚書呂震言于上曰。今喪服已踰二十七日。請如太祖太宗皇帝遺命。倣漢制。以日易月。釋縗從吉服。烏紗冠。素服。黑角帶。臨朝。上命廷臣議。楊士奇以爲。

至禮安所
與侍議

內閣位進
三孤始此
○士奇等
勿日問五

不可黃淮亦與士奇合震辭色忿然定義從旁解之請
兼取二說具奏上安服素衣冠黑角帶群臣皆從君
服報可明旦上素冠麻衣麻經出視朝文臣惟學士
武臣惟英國公如上所服餘文武群臣之服皆從義
等所定朝退上召蹇義夏原吉及士奇等諭曰呂震
昨奏易服云皆與汝等議定然後奏聞時吾已疑其非
但聽臣下易之辟宮在殯吾豈忍易後聞士奇有言
始知其妄士奇所執是因歎曰張輔知禮六卿乃有不
及又顧義曰汝所折衷亦未當然不必再以語人群臣
聽從其便○進蹇義少傅加楊士奇少保並兼職如故

品級遷一
品恩榮至
此已極

並誠相與
四字義比
皆兩

加楊榮太子少傅兼謹身殿大學士金幼孜太子少保兼武英殿大學士○次日賜蹇義楊士奇楊榮金幼孜銀圖書各一其文曰繩愆糾繆諭之曰卿等皆國家大臣祇事先帝二十餘年又事朕于春官練達老成今朕嗣位之初軍國之務重須卿等協心贊輔凡政事有關失或群臣言之而朕未從或卿等言之朕有不從悉用此印密奏以聞其毋憚于再三言之君臣之間盡誠相與庶幾朝無闕政民無失所而朕與卿等皆不負祖宗負託之重義等頓首受命

十月冊妃張氏爲皇后郭氏爲貴妃李氏爲賢妃后河

不廟王孫
共十位

南永城人追封后父指揮使張麟爲彭城侯○冊立
皇太孫爲皇太子封次子瞻埈爲鄭王瞻墉爲越王
瞻墉爲襄王瞻埈爲荆王瞻埈爲淮王瞻墉爲滕王瞻
埈爲梁王瞻埈爲衛王越滕梁衛四王後國絕○以翰
林侍讀學士王直爲右春坊右庶子仍兼前職及兼記
註于聖政聖訓之當修者皆錄之以備纂述○羅海子
至西湖巡視官上謂憲義曰古者山澤之利皆與民
共之朕之心凡可推以利民者雖府庫之儲不吝況山
澤所產哉○召掌交趾布按二司事工部尚書黃福還
以工部尚書陳洽鎮交趾管掌布按二司事

受此特蒙
輔以靖神
實福以安
自二老去
而交趾馳
進矣

香律始更

慎刑之制
宜歸者尚
欲生之也
刑之亦無
罪者發賣
之不月保

福治交趾。親民如子。徇其所好。革其所惡。勞勩訓飭。躬勤不倦。每戒郡邑吏。咸修撫字之政。新造之邦。政令條畫。無矩細。咸盡心焉。于是交趾皆愛戴之。如父。玆下官馬驛。誣奏福有異志。文皇深照其妄。曰。此君子。不容于小人。寢其奏。福居交趾十八年。上念其久勞于外。詔還。交人扶老携幼送之。皆涕泣。不忍別。大理寺奏決重囚。上曰。人命甚重。帝王以愛人爲德。卿等理刑。宏贊輔德。政罔俾無辜。含冤地下。傷天地之和。遂命五府六部通政司六科同三法司于承天門會審。特召大學士楊士奇。楊榮。金幼孜。至榻前諭曰。比年法司之濫。朕未嘗不知。其所擬大逆不道。往往出于羅織。煅煉先帝數切戒之。故死刑至四五覆奏。而法司畧不留意。甘爲酷吏而無愧。自今凡審決重囚。卿三人同

在昔則世
經世重今
別人輕人
重矣可愼
也夫

聖德同天

得此二字
日族皆榮

往甯決○令在京七品在外五品以上文官及知縣于
五品以下見任及軍民中訪舉德性惇篤行止端方或
材能出衆政績顯著或文學可稱識見優遠者量材擢
用若有蔽賢及濫舉者罪之所舉之人後犯贓罪舉者
連坐○賜緣邊將士鈔幣時上御西角門視朝風寒
顧謂侍臣曰今日始寒朕與卿等居重城中猶覺凜凜
如此守邊將士晝夜嚴警殆不可勝遂命書勅遣使賜
以鈔幣

十一月朔赦建文姦黨族屬並放還家給還田產先是
上謂侍臣曰方孝孺輩皆忠臣也宜從寬典次日御創

閔比妻然
欲絕

休禮部尚書呂震曰建文中姦臣其正犯已悉受顯戮家屬初發教坊司錦衣衛浣衣局并習匠及功臣之家爲奴今有存者既經大赦可宥爲民給還田土凡前爲言事失當謫貶充軍者亦宥爲民

初治姦黨齊泰一子甫六歲給配至是得宥還鄉黃子澄一子易姓逃難家湖廣之咸寧至是經存幸已進士黃表其後也故齊黃之裔猶不絕方練則無餘諸人不可考矣

交趾復反○遣御史分巡天下考察官吏 上諭戶部尚書夏原吉曰田土民所恃以衣食者今所在州郡奏除荒田得非百姓苦于征徭相率轉徙與抑年饑衣食不足或加以疫癘而死亡與自今一切科徭務撙節仍

府衙官軍
更番京師
之制始此

令有司凡政令不便於民者修具以聞。被亂之處早奏賑恤。有稽違者。守令處重罪。○趙王高燧奏。辭常山左右二護衛。從之。王遣長史趙季通奏云。一衣一食。皆朝廷所給。安坐無事。而虛擁三衛。三衛軍士亦虛受糧賜。請以左右二護衛官軍助國家戍守。止留中護衛供使令足矣。上初未許。王奏請再三。乃許之。添設趙府郡牧千戶所。○令直隸及近京各都司官吏更番于京師。操備從英國公張輔兵部尚書李慶等之請也。上諭之曰。古者務農講武。皆有定期。故兩不偏廢。今宜畧倣此意。無廢屯種。今舉農事。而後來先農事。而遣歸庶皆

中官傳
並定其
惡惡庶
奸萌

聯選英生
尚敢如此
皆中主則
玩弄于吏
宰上矣

不妨誤。○作觀天臺于禁中。中官馬騏傳上旨。諭翰林院書勅命騏復往交趾。措辦金銀珠香時。騏被詔召還未久。本院官屢奏上正色曰。朕安得有此言。卿等不聞渠前在交趾茶毒軍民乎。交趾自此人歸。一方如解創懸。今又可遣耶。此人近在內間。多方請求。朕悉不答。卿等宜識朕意。遂止。○翰林學士楊溥密奏言事。上嘉納之。御札獎諭之曰。覽卿所奏。爲國家之計。誠合朕心。但望卿始終如一。知無不言。相朕致治。以承天休。感卿忠懷。特用酬報。今賜卿綵幣一雙。鈔一千貫。卿其領之。○追贈兵部尚書金忠少師。謚忠襄。以其子達爲

明重簡官
支俸如此

虛已求言
之誠千古

翰林檢討達年始十歲令還鄉支俸。進蹇義爲少師。
楊士奇少傅。夏原吉少保。仍賜原吉總憲糾謬圖書。
上御西角門閱廷臣誥辭。顧謂楊士奇楊榮金幼孜曰。
卿三人及蹇夏二尚書皆先帝親任舊臣。朕方倚以
自輔。凡朕所行卿等共知。其有未善者當盡言之。朕觀
前代人主有一履帝位輒自尊大。惡聞直言。左右之人
雖素所親信亦畏威順旨。緘默取容。或賢良之臣不肯
默默言之一再而不見聽。退而絕口以圖自全。致令人
主因循肆志。卒致覆敗。朕與卿等當深以爲戒。君臣一
體終始協心庶幾可以共圖安久。因取古人誥辭親筆

增二語云勿謂崇高而難入勿以有所從違而或怠曰此實朕心卿等勉之○捕治前御史舒仲成既而罷之初上監國時仲成嘗以事忤旨後遷湖廣按察副使至是因事命都察院逮治之楊士奇上疏言向來小人得罪者多陛下卽位皆宥之今追理仲成卽詔書不信漢景帝爲太子召衛綰不赴卽位進用綰前史建之上覽疏喜卽有旨罷治仲成而降勅獎諭士奇○陽武侯薛祿奉命帥師巡邊適北虜寇雲州祿督兵追至大松嶺斬獲甚衆上喜賜勅嘉獎○上諭尚書夏原吉曰古者寓兵于農而不奪其時故民無轉輸之勞而兵

食足。後世莫善于漢之屯田。先帝所立屯種之法甚善。蓋用心亦甚。至但後來所司數以征徭擾之。既失其時。遂無其安所在儲蓄。十不及二三。有司不免勞民轉輸矣。其令天下衛所凡屯田軍士。自今不許擅差妨其農務。違者處重法。

十二月書各都司布政司按察司官姓名于奉天門西序先提。上召吏部尚書蹇義兵部尚書李慶曰。庶官賢否軍民休戚之所繫。唐太宗書刺史之名。朝夕省覽。其有善政則各疏于下。故當時所用之人皆思奮力致治。斗米三錢外戶不閉。皇考亦嘗書中外官姓名于

武英殿南廊閒暇觀之。今五府六部之臣。朕朝夕接見。得詢察其賢否。若都司布政司按察司官。朕既不盡識其人。又不悉其姓名。雖或聞其賢否。邪正。至久不能不。忘。爲臣有善而上忘之。誰肯自勉。不善而上忘之。誰肯自戒。如此國家。何以望治邪。爾吏部兵部俱各都司布政司按察司官。姓名履歷。揭諸西序。朕得閒暇觀之。以考察其事行而黜陟焉。至是悉書之。○禮科給事中黃驥。極陳西域賈胡人貢。西人受害。乞罷其貢。上嘉納之。以其奏示禮部尚書呂震曰。驥常奉使西域。故具悉。○事。○卿。○陝。○西。○人。○有。○不。○悉。○耶。○爲。○大。○臣。○當。○愛。○國。○體。○恤。○民。○窮。○毋。

先朝用人
雖不拘資
格然未輕
假也既選
之後嚴試
之猶必試
事而後授
職重國君
達賢不得
也之心哉

侵削根本、驥所言其從之。○是月庚申薨。長陵。○授
試事六科監生吳信等二十人皆為給事中、先是詔擇
國子監生之有學行者六十人、俾翰林嚴試之、拔其尤
者二十人、命試事六科、未幾皆授是職。○封都督張景
為彭城伯、景、皇后之兄也。○加太子少傅、大學士楊
榮兼工部尚書、三俸並支。

仁宗昭皇帝紀、帝成祖第一子、仁孝、太居徐氏所生也。
正位儲宮二十二年。成祖崩、甲辰八月十五日即位、在位一年、乙巳五月十一日崩于西
宮、壽四十八、上徽號曰敬天體道純誠至德弘文
欽武章聖達孝、昭皇
帝廟號仁宗、葬獻陵。

乙巳洪熙元年正月壬申朔、上御奉天殿、朝群臣、設

樂不作、群臣止行五拜、三叩頭禮、先是禮部尚書呂震請曰、陛下初登大寶、天下文武之臣及海外諸國皆來朝、宜受賀作樂、如大朝之儀、大學士楊士奇、楊榮、金幼孜、黃淮、譯言不宜用樂、未得旨、榮趨山、士奇與幼孜、淮復進言、夜漏下十刻、未退、午門官入奏、乃有旨、命禮部設樂不作、次日、上召士奇等四人論曰、呂震每事誤朕、卿等所執、停樂是爲君、受直言爲賢、不受直言則過益增、爲臣以能直言爲賢、不能直言則忠不盡、如昨日朝會、從震所請、今悔何及、賴卿等同心、遂免此悔、自今遇朕行有未當、但盡意言之、毋以不從爲慮、各賜

鈔千貫文幣一表裏○陞通政使兼武英殿大學士黃
淮爲少保戶部尚書兼職仍舊加楊士奇兼兵部尚書
金幼孜兼禮部尚書俱三俸並支士奇淮請辭尚書一
俸從之于是楊榮金幼孜亦各辭尚書一俸上曰卿
等事皇考屢經扈從勤勞多矣況皇考賓天遠在
塞外賴卿等盡力維持朕每奉瞻几筵未嘗忘之今與
三俸豈爲過多卿等勿辭○罷給朝覲官犇牧馬先是
兵部尚書李慶言于上曰今歲北方之民畜馬頗蕃
皆送至京已散軍伍操用尚餘數千欲散民間則民甚
弊不可重困之今遠近方面朝覲官皆集請每員給馬

士奇奏駁散馬之令

辭之以禮

一正令收之其華生准民間例無者追陪太僕寺提督考較上令與蹇義夏元吉議亦從慶言乃下令行之楊士奇力陳不可曰朝廷以禮徵賢上者授方面郡守次者授百執事今皆役之蓄馬以蘇民是貴民而賤官矣上曰慶幾誤朕顧士奇曰少頃卽批出罷此令內批數日不出兵部已督責朝觀官領馬者過半矣士奇復奏許臣罷散馬之令乃復中止如必欲行令天下懷才抱德者自此誰肯出仕蓋虧損一馬必責賠償破家廢產累及子孫此令之失非小上曰吾偶因事稽緩耳當卽批出午刻上卽思善門召士奇諭曰內批豈

烈心周旋

此舉與眾

樂聞揚榮

攻言諸司

積弊而文

廟安授御

史言之同

意

真忘之。初聞汝言。卽遣人觀李慶呂震輩交口忿爾。朕

念爾孤立。慮爲衆所傷。故不欲因汝言而罷此令。今有

名矣。出示一疏。乃陝西按察司陳智言按察司所以肅

庶官。貞百度。而太僕得臨之。歲徵駒與下民等。意網掃

地矣。上曰。爾就據此草。勅止散馬。士奇叩頭曰。古人

有言。陛下知臣臣不孤矣。上曰。繼今令有不便。惟

密與朕言。李慶輩多不識大體。不足語也。但皆先朝

舊臣。未可遽退耳。○大祀天地于南郊。以皇祖皇

考配享。○上諭呂震曰。劉儁從征交趾。陷賊不屈而死。

禮官不言。朕思婦人盡節于夫。尚有旌典。况大臣捐軀。

皇明去事錄卷十六 聖皇帝

爲國可無廢卹命贈太子少傅謚節愍又嘆曰忠臣欲報國家不能成功則惟守義若阿順取容保祿固寵於國亦何裨。

舉印授溥
仁廟學問
弘深滋豐
久維一時
名賢皆羅

建弘文閣先是上諭侍臣楊士奇等曰卿等各有職務朕欲得學行端謹老儒數人日侍燕閒備顧問可咨訪以聞士奇等以翰林侍講王進蘇州儒士陳繼對遂命吏部召繼至是建弘文閣于思善門之左作印章命翰林學士楊溥掌閣事進佐之上親舉印授溥曰朕用卿等于左右非止助益學問亦欲廣知民事爲道理之助卿如有建白卽以此封識進來未幾繼至授翰林

左右而尤

廣雅不白

請假考求

博采其于

修已治人

之通益加

精容可見

聖學與無

窮際

賜天元玉

幣祥異賦

贊恤之至

五經博士蹇義復舉學錄楊敬訓導何澄惇實即授散

翰林編修澄禮科給事中皆直弘文閣與進同事云○

賜三公及六卿天元玉屑祥異賦上諭侍臣曰天

道人事未嘗判為二途有動于此必應于彼朕少侍

太祖每教以慎修敬天未嘗敢怠此書言簡理當左右

輔臣亦宜知之遂命刊賜○上諭禮部尚書呂震曰朝

臣在外久者今皆令還鄉展省其得誥勅者足為家鄉

之榮然到家有養祭賓客之需往返道途之費計其在

官俸祿給日用外有餘貲鮮矣自今歸省皆賜鈔有差

于是大學士金幼孜左春坊大學士王英等並乞歸省

允誠等原
係結鄉木
樂中事東
歸時從征
亦有功茲
以力戰而
死故追封
之

仁廟隆慶
師傳前代
字優

二月國子監祭酒兼侍講胡儼以疾乞歸加授太子賓
客致仕○加襲封恭順伯吳克忠為恭順侯封弟都指
揮吳管者為廣義伯父允誠封恭順伯克忠管者追封
頒國公謚莊愍弟克勤追封遵化伯論者謂吳允誠父
子之效忠雖漢之金日磾唐之契苾何力無以過云○
贈故官僚少詹事鄒濟左贊善徐善述並太子少保賜
濟謚文敏善述謚文肅命有司立祠墓側歲致祭焉先
是勅禮部歲四時致祭楊士奇言於上曰禮貴得中
朝廷惟宗廟以四時享社稷孔子皆春秋二祀濟等雖
有舊勞不得過社稷孔子而與宗廟等上曰吾過

以孝行取人

矣。過矣。誠念其舊勞，不能忘。故率爾下令，而不覺其過。遂召禮部改春秋祭，濟沂餘杭人善述。天台人復贈贊善王汝玉爲太子賓客。謚文靖，遣官祭之。汝玉，蘇州人。三月，擢前光祿寺署丞權謹爲文華殿大學士。謹，徐州人以薦舉。知安樂縣，遷署丞。父早卒，事母至孝。母病，額天求以身代。母卒，哀毀廬墓三年，朝夕哭奠，不御酒肉。有司上其行，驛召至京。上曰：「能孝者必忠，忠孝之人可任輔導。」遂超陞是職。時又有贊善王讓者，益都人，亦以孝行知名。嘗廬墓有湧泉之異。繇國子學錄擢爲右贊善，後仕至吏部右侍郎。○大理少卿弋謙數言事切

虛景通古

從善轉國
改過不吝
八字仁廟
可當

前上頗嫌其矯激尚書呂震吳中都御史劉觀等交
奏其賣直沽名請罪之楊士奇言於上曰謙不諳大
體有之然其心感陛下超擢之恩欲圖報效古人有
言主聖則臣直惟陛下容之不然進言者將懼而以
言爲戒矣上不懌遂免謙朝叅令專坐司治事自是
月餘朝臣言事者少上諭士奇曰爾料事不虛自免
弋謙朝言者不至豈果無事可言對曰臣下孰不欲進
言納忠惟在上寬容以來之遂命士奇就榻前草勅
引過命弋謙如舊朝叅令百官言事毋以謙爲戒因諭
士奇曰朕有過不難于改雖一時不能容然終知悔聞

以優下代
之明良亦
以感一時
之豪傑
北京命加
行在二字

律例之附
都御史陳
瑛掌院時
為甚

知朕心毋吝于言也○以將行廟享禮詔陞功臣四人
配享加封河間王謚忠武張玉加封寧國公謚忠莊王
真加增少師榮國公謚恭靖姚廣孝及東平武烈王宋
能並配享文皇帝廟庭○命北京諸司悉加行在二
字復建北京刑部及行在後軍都督府上時次意復
都南京云○陞楊溥太常寺卿仍兼翰林學士掌弘文
閣事○禁民告誹謗上諭刑部尚書金紳都御史劉
觀大理卿虞謙曰往者法司無公平寬厚之意尚羅織
為功能稍有片言涉及國事輒論誹謗中外相師成風
姦民欲駕禍良善輒飾造誣罔以誹謗為說一星名於

遺守皇陵
是亦勞樹
之意

此身家破滅莫復辨理。今數日間覺此弊。又萌夫政治
所急者。惟言所患者。以言爲諱。況今所急。尤在知下情。
卿等宜體朕心。自今告誹謗者。悉勿治。○命征夷將軍
榮昌伯方智率師交趾討黎利。○徙岷王榘于武岡。○
遣漢王高煦子瞻圻於鳳陽守皇陵。文皇北征晏駕。
高煦子瞻圻在北京。凡朝廷事。潛遣人馳報。一晝夜六
七行。高煦日亦遣數十人入京師。潛伺幸有變。上固
知之。顧益厚遇。倍加歲祿。賜資萬計。先是瞻圻憾父殺
其母。屢發父過惡。文皇曰。爾父子何忍也。至是高煦
悉上瞻圻前後規報朝中事。又曰。廷議旦夕發兵取安。

詔免稅糧
之半

樂上召詹圻示之曰汝處父子兄弟間讒構至此乎
釋子不足誅遣鳳陽守皇陵

四月詔免山東及淮安徐州夏稅秋糧之半停罷一切
官買物料時有至自兩京者上問道路所過地方何
似對曰淮安徐州及山東境內民多乏食而有司徵夏
稅方急遂召問少師蹇義所對亦然上坐西角門召
大學士楊士奇等令草詔免稅糧之半及罷官買士奇
對曰皇上憫恤民窮誠出于至仁若斯事亦可令戶
部工部與聞上曰姑徐之救民之窮當如救焚拯溺
不可遲疑有司慮國用不足必持不決之意卿等姑勿

急於爲民
大慈大斷

言令中官具紙筆令士奇等就西角樓書詔上覽畢

卽命用璽遣使齎行上顧士奇曰汝今可語戶部工

部朕悉免之矣左右或言地方千餘里其間未必盡無

收亦宜有分別庶不濫恩上曰恤民寧過厚爲天下

主寧與民尺寸計較耶○鄭府審理正俞建輔言進賢

之路莫重于科舉近事賓興之士率記誦虛文爲出身

之階其實才十無二三蓋有年未二十者雖稱聰明然

未嘗究心脩己治人之道一旦僥倖掛名科目而使之

歸政往往率意任情民受其弊自今各處鄉試乞令有

司先行審訪務得博古通今行止端重年過二十五者

通時習文
博古通今

欲行科舉
之法須用
定補之言
議論亦是

行止端正
不過正文
禮去餉
耳

許令入試。比試則務選其文辭典雅、議論切實者進之。
會試尤加慎選。庶幾士務實學而國家得賢才之用。
上諭禮部其進所言甚當，其即行之。又曰：科舉之事，須
南北兼取。言南人善文辭，而北人厚重。比累科所選北
人僅得什一，非公天下之道。自今科場取士，南士取六
分，北士四分。爾等其定議各布政司名數以聞。○命
皇太子往南京謁祭。皇陵。孝陵因畱南京監國時
南京屢奏地震，群臣或請親王及重臣往守之。上曰：
非。皇太子不可。遂有是命。○製印二及手勅二賜少
師蹇義及少傅楊士奇。上自少侍。太祖明于星象。

監國時嘗以教士奇曰宋元儒者多晚習不可忽也及是月十四日甲寅義偕夏原吉楊榮及士奇奏事承天門畢上問夜來星變曾見否皆對曰未上曰義等三人雖見不能知士奇當知之士奇對曰士奇愚昧亦不能知上曰天之命矣歎息而起明日早朝罷召義及士奇諭曰監國二十年爲謾惡所構心之艱危吾三人共之賴皇考仁明得遂保全言已泣然義士奇亦流涕對曰今已脫險卽夷皆先帝之賜陛下孝誠之效更不煩聖明多慮上曰卽吾去世後誰復知吾三人同心一誠遂出二勅二印賜二人義得蹇忠貞

印士奇得貞一印皆拜授而退○時有進言太平之政者上召蹇義夏原吉楊榮楊士奇以其章示之已而曰今朝無闕政生民皆安義等意皆喟然惟士奇以爲尚未義等對曰臣等觀陛下卽位以來詔書勅旨無非仁政百姓無科歛之擾徭役之繁可謂治世士奇對曰臣觀陛下之恩澤已覃被天下但流徙尚未歸瘡痍尚未復遠近猶有艱食之人更須得二三年休息庶幾人皆得所上笑曰吾意惟爲此也朕與諸卿相與出自誠心去年各與繩愆糾謬圖書切望匡輔惟士奇曾封五章進來義三人皆無一言豈朝政果皆無闕生

民果皆安乎。三人皆叩首有慚色。

五月 上諭蹇義曰御史朝廷耳目之官。惟老成識治體者可任。新進小生遠授斯職。未達政治之體。而有可爲之權。遇事風生。以喜怒爲威福。以好惡爲是非。甚者貪穢無藉。賢人君子。正直不阿。徃徃被其凌辱。小人阿順從諛。則相與爲膠漆。其於政事得失。軍民利病。畧不用心。安在其爲耳目也。爾吏部自今須慎選擢。以清風紀。旣又歎曰。都御史十三道之表率。如都御史皆清廉公正。各遵御史。雖間有不才。亦當知畏憚。今之不才者。無畏憚矣。爾其咨訪。可任都御史者以聞。○選方面官。

文武並濟

帝熱欲求
言諸臣知
帝心久矣
至此何以
權折言官
如是○時
勉折脇內
尚不相着
及用提提
而其斷骨

叅贊各邊方軍務 上以武臣疎於文墨乃選任方面
官於各總兵官處整理文書商確機密叅謀軍務督理
邊儲大同則山東叅政沈固宜府則叅政劉璉遼東則
叅議周願廣東則副史劉紹後考滿陞俸或轉京職協
贊漸稱提督重權矣○翰林侍讀李時勉羅汝敬俱以
言事改爲監察御史尋下之獄時勉以時政違節條成
二本上之 上覽之怒命武士縛至便殿撲以金瓜十
八脇肋已斷其三曳出不能言時汝敬亦言事但文爲
御史今日問囚一起言事一章至三上復下錦衣衛獄
○是月十一日 上不豫召蹇義楊士奇黃淮楊榮至

忽接人謂
忠誠所感

上在儲位
天下傾嚮
登位之後
弘施濟澤
號稱仁廟
則宜

思善門命士奇書勅遣中官海壽馳召皇太子于南京次日上疾大漸遣詔天下傳位皇太子遂崩壽四十八時以皇太子未至未發喪羣臣請鄭襄二王監國洪武中太祖嘗召秦晉燕周四世子入侍一日令燕世子閱皇城衛卒還奏遲問何後也對曰旦寒甚衛士方食俟食既乃閱以故遲太祖喜曰善孺子知恤下人乎又令閱奏疏獨取言及民瘼者上白太祖喜曰兒生長深宮乃亦知民間有疾苦事乎嘗問堯九年水湯七年旱當時百姓奚所恃對曰恃聖人有恤民之政耳太祖又喜稱善文皇即位立為皇太子漢

趙二王巧譖 文皇又賂左右奄奚及役征諸大將凡
所以中傷太子及東宮官相糾結肆奸巧必欲易太子
太子危者數矣 文皇以太子妃有賢德太孫又英武
故得不廢太子嘗坐文華殿密諭士奇曰內侍黃儼江
保數造危語天可欺乎非賴 父皇明聖我安得尚在
此語畢泣下曰吾知盡心子職而已他不暇顧也凡先
後守兩京聽政從仁厚愛百姓天下咸歸心既卽位盡
行其志約以裕民恒如不及明乎知人任用不貳廷臣
才行高下瞭然緩急器使靡不曲當尺寸可用咸所不
棄苟犯名義雖小必黜未嘗以愛惡移是非甲乙遷喜

怒。嚴謹邊備。不勤遠畧。邊將陛辭。上戒曰。民力罷矣。慎無貪功。虜至塞驅之而已。毋爲首禍。違命獲功。吾所不賞。賞功懋德。寧過于厚。屢勅法司。崇寬厚。戒深刻。然極惡賊吏。每戒法司曰。賊吏務厲民裕已。國家恤民。必自去賊吏始。重學校。嚴薦舉。每諭所司。用人必求實才。授官必責實効。樂聞直言。多見褒答。問有拂逆。無幾悔悟。雅志儒術。務學問。諸經皆通於書。尤熟卜筮。不用俗占。必取正周易。反覆卦爻象象之辭。及程朱氏說。信之甚篤。少侍太祖。曉識天象。長益探究。日官諱避。輒見窮詰。作臺禁中。時自觀察。苟有災氣。深自省咎。恒念祖宗。

創業艱難。每事必問祖法。又曰。循祖宗之法。者。當明祖宗之心。嘗錄太祖皇陵碑文。授諸子。俾熟讀。又刻貞德秀大學衍義。賜諸子。在位一年。惜哉。六月辛丑。皇太子奔喪。至八鄉。宮中始發喪。時高煦謀伏兵邀于路。倉卒不果。是月庚戌。十二日。皇太子卽皇帝位。之明年元曰。宣德。大赦天下。

秋七月。尊皇后張氏爲皇太后。○上太行皇帝謚號曰敬天體道純誠至德弘文欽武章聖達孝。昭皇帝廟號仁宗。塋獻陵。○立妃胡氏爲皇后。

九月。令會試分南北取士。仁宗定一科。取百人。南取六

十北取四十至是復分南北中卷以百名爲率南北各
退五名爲中卷北卷則北直隸山東河南山西陝西
中卷則四川廣西雲南貴州及鳳陽廬州二府滁和徐三
州餘皆南卷○漢中府訓導李蕃進端本策十六事

上喜納之擢蕃爲兵部給事中○進擢東宮舊僚以左
庶子陳山爲戶部左侍郎洗馬張英爲禮部右侍郎戴
綸爲兵部右侍郎中允徐永達爲鴻臚寺卿贊善蘭從
善王讓爲翰林侍講惟中允林長懋出爲鬱林知州旣
而遣戴綸出鎮交趾初文皇欲太孫講習武事于
學問之暇命歲時出獵長懋及綸每諫不聽初不知本

文皇意也故最爲宣廟所不樂而陳山張英以每事順旨被寵未幾長懋綸皆生怨望下錦衣衛獄上得綸奏親詰之綸抗聲辨論激切上怒毒之竟死焉長懋坐禁繫者十年正統初始赦出之

八月勅修太宗仁宗兩朝實錄以英國公張輔尚書蹇義夏元吉爲監修楊士奇楊榮金幼孜及陳山張瑛楊溥爲總裁

十月陞陝西都指揮同知李瑛爲總都督先是安定曲先等處番寇瑛搗其巢穴虜安定王俘其部落男女千餘邊境悉平超陞左都督尋伏總兵討平西番卽兒加

族之亂封會昌伯○以平羌伯陳瑄鎮守淮安兼督漕
運○漢王高煦奏利國安民數事 上命有司施行仍
復書謝之